



UNIVERSIDADE DE VIGO

3º Concurso

de

Relatos

Comité Organizador

Chiussi, Stefano

Conde Saa, Jorge Carlos

García Parada, Eduardo (coordenador)

González Fernández, Pío Manuel

Pérez Feijoo, Paulino

Serra Rodríguez, Julia

Universidade de Vigo

Universidade de Vigo

IES Pazo da Mercé

Universidade de Vigo

Universidade de Vigo

Universidade de Vigo



<http://cienciaqueconta.wordpress.com>

Ciencia que Conta

2010

Bases

É un concurso de relatos curtos relacionados coa ciencia. En xeral trátase de relatar poñendo en valor a importancia da I+D+i no desenvolvemento económico e benestar dunha sociedade –nomeadamente a galega- e un maior recoñecemento social destas actividades, así como un achegamento ao traballo científico e ás profesións de científicos e tecnólogos.

1. Participantes.

A convocatoria vai dirixida ao alumnado de Educación Primaria, Institutos de Educación Secundaria galegos e público en xeral residente en Galiza. A participación neste concurso supón a aceptación de todas as súas bases. As obras serán de autoría individual ou cun máximo de dous autores, tendo en todo caso un único premio ao relato.

2. Presentación dos traballos.

Os traballos presentados deben ser orixinais, inéditos e escritos en lingua galega. A extensión máxima será de 1000 palabras (aproximadamente tres follas DIN A4). Os traballos enviaranse exclusivamente por correo electrónico ao seguinte enderezo:

cienciaqueconta@uvigo.es

No **correo** indícarase título do relato, un pseudónimo e os datos persoais do autor ou autora (nome e apelidos, data de nacemento, estudos que cursa, enderezo e teléfono) e do seu centro de ensino centro escolar (nome, enderezo e teléfono), de ser o caso. Nun **arquivo adxunto** irá o relato, encabezado polo título e o pseudónimo, sen datos persoais. Desde a organización enviarase de volta un correo electrónico confirmando a recepción do relato.

3. Prazos.

O prazo de recepción dos traballos remata o 30 de outubro de 2010. As resolucións do Xurado publicaranse na web da Semana da Ciencia <http://cienciaqueconta.wordpress.com/>. Comunicarase por correo electrónico aos gañadores ou a través do seu centro de ensino.

A entrega de premios farase nun acto público específico dentro da Semana da Ciencia 2010.

4. Categorías.

- Alumnado de Educación Primaria.
- Alumnado de Educación Secundaria Obrigatoria.
- Alumnado de Bacharelato e Ciclos de FP.
- Público en xeral.

5. Tema dos traballos.

Non pretenden ser relatos de ciencia ficción nin artigos sobre ciencia nin meras descrições. Procúrase que –en función da idade- se desenvolva un relato curto ou conto a partir dun aspecto científico puntual ou da observación dalgún fenómeno ou experimento simple. Valorarase sobre todo a calidade do traballo e o acerto no contido científico. Os temas a desenvolver nos relatos poderían ter como punto de partida:

- Historias de Ciencia: como se inventou algo, como se solucionou algún problema que había na sociedade utilizando a ciencia, un descubrimento, etc.
- Traballo no laboratorio ou científico: cousas que pasan nun laboratorio, no traballo dun científico ou científica, nas exploracións da natureza, etc.
- Experiencias: ficcións arredor de experiencias simples (ou caseiras), observacións da nosa vida cotiá (na rúa, na cociña, na praia, na festa, nas atraccións de feira, etc.).
- Científicos e científicas: baseado en algún persoeiro científico, algún detalle da súa vida, algunha anécdota, como fixo algún descubrimento, como se lle ocorreu ou elaborou algunha teoría ou lei. Non debe ser unha mera descripción da súa vida.
- Valoraranse relatos que inclúan mulleres como protagonistas ou arredor de historias de mulleres.

- Na web: <http://cienciaqueconta.wordpress.com/> pódense ler as publicacións resultantes dos dous concursos anteriores.

6. Comité Organizador e Xurado.

O Comité Organizador está formado polos membros do Proxecto “A Ciencia Conta”, da Universidade de Vigo.

O Xurado, nomeado polo Comité Organizador, estará formado por persoas relevantes no campo da divulgación científica, o xornalismo ou o ensino das ciencias. As resolucións do Xurado serán inapelábeis.

A presentación das candidaturas supón a conformidade dos participantes coas bases. Calquera cuestión non recollida nelas será resolta a discreción da organización. Os participantes comprométese a xustificar a veracidade dos datos que faciliten sobre as candidaturas presentadas.

7. Premios.

Para cada categoría haberá tres premios:

Primeiro Premio:

- Diploma acreditativo.
- Ordenador Ultraportatil.

Segundo Premio:

- Diploma acreditativo.
- Lote de libros, xogos ou material relacionado coa ciencia adaptados á súa idade.

Terceiro Premio:

- Diploma acreditativo.
- Lote de libros, xogos ou material relacionado coa ciencia adaptados á súa idade.

Nas categorías de Educación Primaria e Secundaria poderá haber ademais dous acésits. Os premios poderán declararse desertos.

Os premiados menores de idade deberán acudir a recoller o premio acompañados do seu pai, nai ou titor legal ou cunha autorización expresa destes.

A organización declina calquera responsabilidade sobre conflitos de propiedade ou cesións de dereitos relativos as candidaturas.

8. Reprodución das obras.

As obras seleccionadas serán publicadas na web: <http://cienciaqueconta.wordpress.com/> a partir do 13 de novembro de 2010. Logo da resolución do concurso, procurarase, como en edicións anteriores, publicar un libro cunha selección dos mellores relatos presentados ao concurso.

De conformidade co previsto na Lei de Propiedade Intelectual, todos os participantes cederán os dereitos en exclusiva de reprodución e difusión das obras presentadas sen necesidade de permiso expreso e sempre que se identifique o nome do autor ou autora. O Comité Organizador poderá publicar as obras presentadas co único requisito de facer referencia á autoría, e resérvase o dereito de exposición e distribución dos traballos presentados. Os autores ceden aos organizadores de xeito exclusivo e coa facultade de cesión a terceiros, os dereitos patrimoniais de explotación das obras obxecto do presente concurso. O Comité Organizador comprométese a exercitar os dereitos de explotación conforme aos bos usos e con rigoroso respecto aos dereitos morais do autor ou autora.

9. Aclaracións sobre estas bases.

Calquera aclaración, puntualización ou rectificación destas bases farase pública na web: <http://cienciaqueconta.wordpress.com/>.